



Berhibur sambil beramal DI YOUTHFEST 2014

MAJLIS Perwakilan Pelajar (MPP) Universiti Tenaga Nasional (Uniten) baru-baru ini telah menganjurkan program YouthFest 2014 yang mengenengahkan tiga elemen utama iaitu Youth on Peace, Youth on Engagement, dan Youth on Sport yang berlangsung di Uniten, Putrajaya.

Objektif utama program ini adalah untuk membawa golongan belia menjadi cakna dalam isu semasa, mewujudkan interaksi antara golongan belia dan menjalani gaya hidup yang lebih aktif.

Dalam elemen Youth on Peace, beberapa badan bukan kerajaan (NGO) dijemput untuk membuat pameran bagi mempromosikan aktiviti kesukarelawanan mereka kepada golongan belia. Antara NGO yang hadir adalah IM4U, Global Peace Malaysia, Aqsa Syarif dan Islamic Relief Centre.

Selain itu, dalam elemen ini juga terdapat ceramah daripada Datuk Vinod Sekhar yang bertajuk *The Malaysian Identity: Who Am I?* dan Datuk Saifuddin Abdullah yang bertajuk *Mindshift: Extremism to Moderate*.

YouthFest 2014 juga menjemput Heliza Helmi, Yatt Hamzah dan Aisyah Shakirah dalam forum yang bertajuk "Sukarelawan vs SCORUNrelawan".



PENGUNJUNG berpeluang mengambil gambar bersama selebriti, Fynn Jamal yang terkenal dengan lagu serta puisi yang diminati remaja masa kini.

bagi membincangkan kepentingan para belia untuk terlibat dalam kerja sukarela berbanding mengharapakan merit daripada pihak universiti.

Dalam elemen Youth on Engagement pula, kelab dan persatuan Uniten telah membuka bazaar bagi menggalakan penyertaan daripada mahasiswa supaya dapat menjadi lebih aktif dalam aktiviti berpersatuan. Selain itu, terdapat juga bazaar interaktif yang menjual pelbagai barangan seperti buku, pakaian dan makanan.

Bazaar ini memberikan peluang kepada golongan belia untuk berinteraksi antara

satu sama lain, di samping menghiburkan diri dengan persembahan daripada mahasiswa Uniten yang berbakat dalam bidang nyanyian, tarian, seni mempertahankan diri dan nasyid.

YouthFest 2014 juga menjemput Fynn Jamal dan V.I.P sebagai kemunculan khas untuk malam kemuncak program.

Dalam elemen yang terakhir pula iaitu Youth on Sport, seramai 120 peserta telah mengambil bahagian dalam acara larian amal untuk disumbangkan kepada Persatuan kanser Kebangsaan Malaysia (NCSM).



AKTIVITI sebegini berjaya menghimpunkan generasi muda dalam program yang berfaedah selaras dengan hasrat menjadikan remaja lebih berdaya saing dan produktif.